


通典



據中國國家圖書館藏宋刻
宋元遞修本影印原書版框
高二十三·八釐米寬十六·
四釐米

弘羊與宗

界中其地相連廣饒水

與中國同時熟

子家就畜積為本業益

既往之悔乃下詔曰前有司

弱孤獨也而今又請遣卒田輪

擊車師時開陵侯也危須尉黎樓蘭

發兵凡數萬人王各自將兵圍車師降其

道上人良漢軍漢軍破城食至多壯士自其車不足以晉師

王門迎軍吏卒起張掖不其遠然尚所留其眾

之不明以軍候弘羊書言匈奴縛馬足置城下

秦人我乞若馬

重也古者卿大夫與謀參以著夏顛不吉卜行



相御史二千石諸大夫郎為文學者皆言祥善而易之卦得大過爻

在九五其辭曰枯楊生華象曰枯楊生華何可久也謂匈奴敗不久匈奴困敗公車方士太史理星占氣及

太上龜著皆以為吉匈奴必破時不可得也今便利之時卦諸將貳師最

吉上遣諸將而於卦中貳師最得吉故朕親發貳師今謀卦兆皆失一狼走千羊乃者

貳師敗軍士死掠虜盡離散言死又被虜掠並自離散悲痛常在朕心今請遠田輪

室欲起亭隧茂依深險之處開行道是擾勞天下非所以優人也朕不忍聞且匈奴

得漢降者常提掖搜索問以所聞或私塞未正闌出不禁

郭候長吏使卒獵獸以皮肉為利平昔苦

闕出逃亡之人而主者不禁又長吏利於皮肉多使障今烽火有乏又其人勞苦因致奔亡凡有此失皆不任

生口虜乃知之既不上文書所以當時不知至有降者及生口或虜時得之言乃知此事

賦乃本典循馬復令因養馬以免徭賦也復方目反以補缺無

上進畜馬方略補邊狀與計對與上計對同來赴對由

千秋為富人侯以明休息思富養人也昭帝

給使外國者至宣帝遣衛司馬使護

冷分以為車師前王及山北六國

神雀三年匈奴日王來降漢因使吉

并護北道故號曰都護都護之

西域於是徙屯田於比胥鞬枝莎

都護督察烏孫康居諸外國都

與渠黎田官相近土地肥饒於西域為中故

尉屯田於車師前王庭戊巳中央鎮覆西方又照注播種以為賦勝故稱戊巳

十五國凡國自譯長城長君監更大祿伯

將相至侯王皆佩漢印綬凡三百七十六人而

弋之屬皆以絕遠不在數中其來貢獻

王莽時四邊擾亂與中國遂絕並復役屬匈奴前往西域有二道自

元始以後有三道從玉門關出西經婁婁遮上而轉西越葱嶺經懸度

入大月氏為南道從玉門關西出發都護井隴沙北頭經居盧

倉從沙西北過龍堆到故樓蘭轉西詣龜茲至葱嶺為中道從玉門

關西北出經橫坑辟三隴沙及龍堆出五船皆到車師界戊巳校尉所

高昌轉西與中道合龜茲新道後漢永平中匈奴乃勝諸國共寇

河西郡縣今武威張掖等郡之地城門晝閉明帝乃命將北征匈奴取五盧地今吳

置宜禾都尉以屯田遂通西域于闐諸國西域自絕六十五載乃復通

焉明年始復置都護戊己校尉及明帝崩焉者龜茲攻沒都護陳

睦匈奴車師圍戊己校尉章帝不欲疲弊中國以事夷狄乃迎還戊

己校尉不復遣都護復罷屯田匈奴因遣兵守伊吾地時軍司馬班

超留于闐綏集諸國和帝永光初嘗患大破匈奴因遣副使尉閼盛

掩擊伊吾破之三年班超遂定西域因以都護居龜茲復置戊

己校尉於是五十餘國悉納質內屬其條志諸國至于海濱四

萬里外皆重譯貢獻九年班超遣掾甘英窮西海而前代所

不至莫不備其風土傳其珍怪焉及班被上尚書謂超曰

猥承君後宜以誨之超曰塞外吏士本非孝子順孫皆過從補邊

屯而蠻夷懷鳥獸之心難養易敗今君性嚴急水清無大魚察政不

得下和宜蕩佚簡易寬小過物人綱而已超去後尚天所親曰我以

班君當有奇策今所言平平耳尚至數年安帝初西其背叛如超所

誠頻攻圍之誰句及禧等朝廷以其險遠難相應赴謂誰自

此遂棄西北匈奴復收屬諸國共為邊寇十餘歲燉煌太守曹

崇誦出兵擊匈奴復欲進取西域鄧太后不許但令置護西域副校

尉居燉煌羈縻而已其後匈奴連與車師入寇河西漢不能禁議者

因欲閉玉門陽關以絕其患尚書陳忠上疏曰臣聞八蠻之寇莫甚北

虜高祖窘平城之圍文帝屈供奉之恥故孝武憤怒深惟久長之計

命遣武臣浮河絕漠窮破虜庭遂開西河四不以隔絕南遠收三十六

國斷匈奴右臂是以單于孤特竄跡遠藏以觀之戎狄可以威服難

以化狎西域內附日久區區東向叩關者數矣此其不樂匈奴慕漢之

效也今北虜已破車師勢必南攻鄯善不不救則諸國從矣若然

則虜膺益增膽勢益殖威臨南羌與之交連如此河西四郡危矣不得

不救則百倍之役興不訾之費發矣議者但念西國絕遠郵之煩費不

見先代苦心勤勞之意也臣以為燉煌宜置校以按舊增四郡屯兵

以西撫諸國庶足折衝萬里震怖匈奴太后又召班超之子勇問之勇

議曰昔者孝武皇帝患匈奴強盛開通西域諸論者以為奪匈奴府

藏斷其右臂遭王莽篡盜徵求無厭胡夷忿毒遂以背叛光武中興木

邊外事故匈奴負強驅率諸國及至永平再攻燉煌河西郡城門晝
閉明帝命武臣出征西域故匈奴遠遁邊境得安及至永元莫不內
屬會間者羗亂西域復絕北虜遂遣責諸國備其通租高其價直嚴
以期會鄯善車師皆懷忿怒思樂事漢其路無從前所以時有叛者
皆由牧養失宜還為其害舊燉煌郡有營兵三百人宜復之復置護西
域副校尉居於燉煌如永元故事又宜遣西域長人將五百人屯樓蘭
西當焉耆龜茲徑路南強鄯善于闐心腹北行匈奴東近燉煌如此
誠便長樂衛尉鄧顯等難曰朝廷前所以棄西域者以其無益於中
國而費難供也今車師以屬匈奴鄯善不可安信一朝反覆若州牧能保盜賊不起者臣亦願以要斬保匈奴之不為邊害也今通
西域則虜勢必弱虜勢必弱則為患微矣孰與歸其府藏續其若虜
哉為置校尉以扞北撫西設長史以招懷諸國若棄而不立則西域
屈就北虜緣邊之郡將受困苦恐河西城門復有晝閉之傷矣今不
廓開朝廷之德而拘屯戍之費若北虜遂熾豈安邊久長之策哉太
尉屬毛軫難曰今若置校尉則西域駱驛遣使求索無厭與之則費
難供不與則失其心一朝為匈奴所迫當復求救則為役大矣勇對曰
今設以西域歸匈奴而使其因西域租入之饒兵馬之衆以擾動緣邊
是為富仇讎之財增暴夷之勢也置校尉者宜威布德以繫諸國內
向之心以疑匈奴覬覦之情而無費財耗國之慮也且西域之人無佗求
索其來入者不過廩食而已今若拒絕勢歸北屬漢書西域傳以寇并
涼則中國之費不止十億於是從忠勇議乃以勇為西域史記五百
人西屯柳中今交河郡縣勇遂破平車師自建公至于延光西域三絕復通順
帝永建二年勇復擊降焉耆於是龜茲此于闐則莎車等十七國皆
來服從而烏孫葱嶺以西遂絕六年帝以伊吾舊膏腴之地傍近西域
匈奴資之以為鈔暴復今開設屯田如永元時事置伊吾司馬一入自
陽嘉以後朝威稍損諸國驕放轉相陵伐矣自魏及晉中原多故西
域朝貢不過三數國焉至後魏太武帝使董琬使西域還且言其地
為三域自葱嶺以東流沙以西為一域姑墨以南月氏以北為一域兩海之
間水澤以南為一域三域之內諸小渠長蓋以百數其出西域更為四

出自玉門流沙西行二千里至鄯善為一道自玉門度流沙北行二千
二百里至車師為一道從莎車西行一百里至葱嶺西千三百里至伽
部為一道自莎車西南五百里至葱嶺西南千三百里至波路為一道
焉於是貢獻者十有六國孝文延興中尚書奏以燉煌一鎮界遠西北
寇賊路衝慮或不固欲移就涼州群官會議給事中韓秀曰此蹙國
之事非闢土之宜愚謂燉煌之立其來久矣雖土隣強寇而兵人素習
縱有姦竊不能為害循常置戍足以自全進斷北狄之規途退塞西夷
之闕路若徙就姑臧慮人懷異意或貪留重遷情不願徙脫引寇內
侵深為國患且燉煌去涼州三千里捨遠就近一制有闕則廢豈是
啓戎心則夷狄交構互相來往恐醜徒協契侵竊涼土與復與艱難
方甚乃從秀議。隋煬帝時遣侍御史韋節司隸從事杜行滿使於西
蕃諸國至窺賓得馬瑙杯王舍城得佛經史國得十舞女師子皮火鼠
毛而還帝復令裴矩於武威張掖間往來以引致之皆自以厚利令轉
相諷諭大業中相率而來朝者四十餘國帝因置西戎校尉以應接之
自燉煌西出玉門陽關涉鄯善北通伊吾千里自伊吾北通車師前部
高昌壁千二百里自高昌壁北通車師後部金滿城今其處五百里此其
西域之門戶內地故漢戍已校尉更互屯焉伊吾地宜五穀桑麻蒲萄
其北又柳中皆膏腴之地故漢帝與匈奴爭車師伊吾以制西域至隋
有商胡雜居勝兵千餘人附於鐵勒人甚驕悍厥田曷沃隋末內屬置
伊吾郡屬天下亂又臣突厥。大唐貞觀四年以頡利破滅遂舉其屬
七城來降因列其地為西伊州同於編戶至武太后如靈州軍機
管王孝傑大破吐蕃復龜茲于闐踈勒碎葉四鎮自是諸國朝奉
於前代矣神龍以後黑衣大食強盛漸并諸國至于西海分兵鎮守焉

樓蘭在婁羌西北漢時通焉王理扞泥城去陽關千六百里東去長安

六千一百里戶千五百西北去都護理所千八百里至山國千三百餘里

此國山居此國山居西北至車師千九百里地沙鹵寄田仰穀旁國多出菽藿

檉柳胡桐白草白草牛馬所嗜也胡桐亦似蠶食其樹而味下廉人隨畜牧逐水草

不暇錄焉諸家纂西域事多引諸僧遊歷傳記知法明遊天竺記支僧載外國事

法師外國傳之類皆盛論釋氏詭異哥迹參以他書則皆紕謬故多略焉

西海寶應初因賈商船自廣州而過著經行記今之所纂其小國無異聞者則

族子瑛隨鎮西節度使高仙芝西征天寶十載至西海寶應初因賈商船自廣州而過著經行記

此國山居此國山居西北至車師千九百里地沙鹵寄田仰穀旁國多出菽藿

檉柳胡桐白草白草牛馬所嗜也胡桐亦似蠶食其樹而味下廉人隨畜牧逐水草

有驢馬多橐駝能作兵器與媯羌同初漢武帝因張騫之言甘心欲通

大宛諸國使者一歲中多十餘輩樓蘭姑師當道苦之每給使者受其勞費故厭苦也

劫漢使王恢等漢將趙破奴率屬國騎謂諸外國屬漢者及郡兵擊之虜樓蘭

王遂破姑師於是列亭障至玉門矣樓蘭既降服貢獻匈奴聞發兵

擊之於是樓蘭遣一子質漢後貳師將軍擊大宛便道引兵捕樓蘭

王將詣闕薄責王對曰小國在大國間不兩屬無以自安願徙國入於

漢地上直其言遣歸國樓蘭王死後王立樓蘭國最東垂近漢當白

龍堆之水草常主發道負米糴糧送迎漢使又數為吏卒所懲艾不

便與漢通艾讀曰艾後復為匈奴反間數遮漢使昭帝遣平樂監傅介子

往刺其王懸首北關下乃立其弟尉屠耆為王更名其國焉漢書王自

請天子曰身在漢久命歸單弱而前王有子在恐為所拒國中有一伊循

城其地肥美願漢遣一將屯田積穀今臣得依其威重於是漢遣司馬

一人吏士四十人田伊循以鎮撫之其後置都尉伊循官置始此矣鄯善

當漢道衝西通且末且此余反七百二十里自且末以往皆種五穀土地草木產

畜作兵略與漢同自後無聞至後魏太武時其國為沮渠安周所攻其

王西奔且末而且末役屬之西魏大統八年其王兄鄯來率眾內附

且末國漢時通焉王治且末城去長安二千八百里戶二百三十西北至都

護理所二千二百里北接尉犁丁零東與白提西接波斯精絕南至小

宛可三日行地有蒲萄諸果人皆剪髮著氍帽小油衣為衫則開頸

而絳前多牛羊騾驢其王安末深盤梁武帝普通五年遣使貢獻謂

之末國梁史云即且末其國西北有流沙數百里夏月有熱風行來之患風

之欲至老駝先知即鳴而聚立埋口鼻於沙人每以為儼即將死

敵鼻口其風迅駛斯頃過盡若不防者以致危斃

杆彌漢時通焉王理杆彌城去長安九千三百里戶三千三百東北至都

護理所三千五百里南與踈勒東北與龜茲西北與姑墨接西通于闐

四百里後漢改其國曰拘彌居寧彌城亦曰寧彌城國順帝永建中

于闐王放前破殺其王興陽嘉初燉煌太守徐由遣踈勒發兵擊破

于闐遂更立拘彌王靈帝嘉平中又為于闐所破殺掠殄盡眾纔千口

車師前王後王並漢時通焉前王國一曰前部理交河城今交河郡水分流繞

城下故為號去長安八千一百里戶千五百西南至都護理所千八百里

西域長史及戊己校尉並理於此去燉煌十三日行其地東西三百里南
北五百里四面多大山後王國理務塗合即今蒲城今止去長安八千九百里
戶六百西南至都護理所千二百三十餘里北與匈奴接初漢武帝征和
四年遣重合侯馬通將諸國兵共圍車師車師王降服後其王烏崙
與匈奴結親教之遮漢道通焉

烏孫者宣帝地節二年遣侍郎鄭吉校尉司馬喜音許將免刑罪人開
渠黎積穀欲以攻車師至秋收穀吉喜發城郭諸國兵共擊車師攻
交河城破之王尚在比石城未得會吉食盡歸渠黎田秋收後更往攻
石城王乃輕騎奔烏孫吉遠田渠黎及車師益積穀以安國侯匈
奴匈奴大臣皆曰車師地肥美近匈奴使漢得之多田積穀必害我國
不可不爭也遣騎來擊吉吉將田士卒保車師城匈奴圍城數日乃
解吉上書車師去渠黎千餘里間以山河北近匈奴漢兵在渠黎者勢
不能相救願益田茲於是故車師太子軍宿在焉者者立以為王盡
徙軍師國人今居渠黎遂以車師故地與匈奴車師王得近漢田官與
匈奴絕亦安樂親漢其後置戊己校尉屯田車師故地即今多河郡漢平

帝元始中車師後王國有新道出五船北通玉關往來差近戊己校
尉徐普欲開以省道理註支柱也言有所置立一丈柱置心不便也於已故心不便也柱音也地又頗遠匈奴南將軍地接其後舉
國降匈奴蓋率是時王莽易匈奴車師蓋率于怒大擊北邊而西域
亦瓦解焉者國近匈奴先叛殺都護極欽莽不能討西域因絕至後漢
和帝元光二年大將軍竇憲破北匈奴車師震懼之涉前後王莽遣子入
侍其後屢叛至安帝延光四年長史班勇擊其後王軍大破斬之羅帝
永興初後部王阿羅多攻圍漢屯田且固城殺傷吏士後部侯炭遮領
餘人叛阿羅多誚漢降阿羅多從百餘騎三走北匈奴中漢立後部故
王軍就質子卑君為後部王阿羅多復從匈奴中來降於是更元阿
羅多為王將卑君還燉煌以後部人三百帳別屬役之食其稅帳者猶至

魏時賜其王壹多離守魏侍中號大都尉。晉以交河城為高昌郡
其地高敞人庶昌盛立名或云昔漢武帝遣兵西討師缺頓弊者因住焉有漢時高昌墨故也張軌呂光沮渠蒙遜在河西皆置
太守以統之。後魏太武時其前部王為沮渠無諱所攻遣使上表云不
能自全遂捨國東奔三分免一在焉者東取幸垂賑救魏使撫慰開焉

者倉給之文成帝末其地又為蠕蠕所并立闕伯周為王高昌稱王自此始闕始監反

文太和五年高車主阿伏至羅殺闕王以燉煌人張孟明為高昌王太

和二年孟明為國人所殺立馬儒為王以卑願禮麴嘉為左右長史儒

又通使後魏請內屬人皆戀土不願東遷相與殺儒立嘉為王高昌麴

嘉字靈鳳金城郡榆中人今郡既立為王會焉者嘍嗟所破眾不能自

立請主于嘉嘉遣其第二子為焉耆王出是始大益為國人所服其都

城周迴千八百四十步於坐室畫魯哀公問政於孔子之像國內有城十

八置四十六鎮官有令尹有交河公田地公皆其王子也餘官多同中國

大事決之於王小事則代子及二公隨狀斷平章錄記事訖既除籍

書之外無久掌文案官人雖有列位並無曹府唯每朝集於衙門評議

眾事諸城各有戶曹水曹田曹每城遣司馬侍郎相監檢校名為城

令服飾丈夫從朝法婦女人略同華夏兵器有弓箭箭筒稍文字亦

同華夏兼用胡書有毛詩論語孝經歷代子史集學官弟子以相教

授雖習讀之而皆為詩賦稅則計田輸銀無者輸麻布其刑法風俗

婚姻喪葬與華夏大同其人之面顴頰高鼻髮垂之於背女子頭髮

辨而垂其地高燥多石積氣候溫暖與益州相似穀麥再熟宜蠶桑

五果有草名為羊刺其土生落而味甚佳亦鹽如朱白鹽如王多蒲

萄酒俗事天神兼信佛法國中羊馬牧於所以避外寇非貴人不知

其所又有草實如蘭中絲如細纒名為白疊子國人取織以為布交市

用焉其國北有赤石山山北七十里有貪汗山夏有積雪此山北鐵勒

界也從武威西北有捷路度沙磧千餘里四面茫茫無有蹊徑以往者

不可准記唯以人畜骸骨及駝糞為驗路中或聞歌哭之聲行人尋之

多致亡失蓋魘魅魍魎也故商旅往來多取伊吾路孝明帝正光中嘉

遣使求借五經諸史并請國子助教劉燧以為博士隋文帝開皇中突

厥破其四城有二千人來歸中國嘉孫伯雅立其大母本突厥可汗女

其父死突厥令依其俗伯雅不從者久之突厥逼之不得已而從煬帝

業五年伯雅來朝因從擊高麗還尚宗女華容公主八年歸蕃至大唐

武德中遣使獻狗雌雄各一高六寸長尺餘性甚惠能牽馬銜燭云本

生拂菻國其後不供職貢貞觀四年其王文泰來朝伯雅後與西突厥

連結諸國朝貢者皆路出高昌文泰稍擁絕之至十三年太宗謂其使

曰高昌數年來朝貢脫略我使人至彼文泰云鷹飛于天雉窟于高
猶遊于堂鼠安于穴各得其所豈不理耶明年當發兵以擊汝國十
四年八月交河道行軍大總管侯君集平高昌國下其郡三縣五城
三十二戶八千四十六口萬七千七百三十馬四千三百匹太宗以其地為
西州以交河城為交河縣始昌城為天山縣田北城為柳中縣東鎮城
為蒲昌縣高昌城為高昌縣初西突厥遣其葉護屯兵於可汗浮圖
城與高昌為影響音至是懼而來降以其地為庭州并置蒲類縣每歲調
內地更發千人鎮遏焉黃門侍郎褚遂良上疏曰臣聞古者哲后必先
華夏而後戎狄務廣德化不專遐荒是以宣薄伐至境而止始皇
遠塞中國分離漢武負文景之聚財翫士馬之餘力始通西域將三十
年復得天馬於宛城採蒲萄於安息而海內空竭生人物故所以租至
六畜筭至舟車因之年凶盜賊並起搜粟都尉桑弘羊復希主意請遣
士卒遠田輪臺築城以威西域武帝聽然追悔弃輪臺之野下哀痛
之詔人神感悅海內又康向使不然生靈盡矣是以光武中興不踰葱
嶺孝章即位都護來歸今誅滅高昌滅加西域收其鯨鯢以為州縣
然則王師初發之歲河西供役之年飛藟輓粟十室九空數郡蕭然
五年不復陛下歲遣千餘人遠專屯戍然年離別萬里思歸去者資裝
自須營辦既賣菽粟假其機杼經途死三復在言外兼遣罪人增其防
遏彼罪人者生於敗肆終其情業犯禁違公必能擾於邊城無益於行
陣所遣之內復有逃三官司捕捉為國生事設今張掖塵飛酒泉烽
舉豈能得高昌一人斗粟而及事乎然頃起發隴右諸州星馳電擊
由斯而言此河西者方已腹心彼高昌者他人手足豈得糜費中華以
事無用書曰不作無益害有益此之謂也陛下平頡利於沙塞滅吐渾
於西海突厥餘眾為可汗吐渾遺萌更樹君長復立高昌非無前例
此所謂有罪而誅之既伏而立之四海百蠻誰不聞見蠕動懷生畏威
慕德宜擇高昌可立者而立之徵給首領兼還本國負戴漢恩長為
藩翰中國不擾既富且寧傳之子孫以貽永代矣不從

龜茲

一曰丘茲
又曰屈茨

漢時通焉王理

延城

今名伊

都白山之南二百里

隋西域圖云
白山一名阿

揭山常有火及煙
是出礪砂之處

東去長安七千五百里戶七千南與精絕東南與且末西

南與杆彌北與烏孫西與姑墨接能鑄冶俗有城郭東至都護理所

烏壘城四百里烏壘戶百十與都護同理其南三百里至渠黎渠黎城都尉一人戶百三十東北與尉犁東南與且末南與精絕接昭而田輪臺與渠黎地皆相連也宣帝時烏孫公主遣女東有大河東流號計忒水據漢書則黃河也其真黃河也具雍州西平郡篇。大唐貞觀二十三年將軍阿史那社爾伐龜茲虜其王如歸立嗣子素稽為王今安西都府所理則龜茲城也今王則震之後也今并有漢時姑墨溫宿尉頭三國之地

焉耆

于闐

踈勒

烏孫

姑墨

温宿

烏托

難兜

大宛

莎車

罽賓

烏弋山離

條支

安息

大夏

大月氏

小月氏

焉耆

焉耆漢時通焉王理負渠城

負于君反

在白山之南七十里去長安七千三

百里戶四千西南至都護理所四百里南去尉犁百里北與烏孫接東

去交河城踰九百里西去龜茲九百里皆沙磧其國近海水多魚鹽蒲

葦之利四面有大山道險阨易守海水曲入四山之內周匝其城三十餘

里後漢明帝永平末有戶萬五千與龜茲共攻沒都護陳睦至和帝

永光六年都護班超發諸國兵討之殺其王超乃立焉耆左侯元孟為

王至安帝時西域背叛延光中超子勇為西域長史復討定之晉武

帝太康中其王龍安遣子入侍安夫人糴胡之女糴古通反妊身十二月剖

脇生子曰會立為世子會少而勇健安病篤謂會曰我嘗為龜茲王

白山所辱汝能雪之乃吾子也及會立龍襲滅白山遂據其國遣子熙

歸本國為王會有膽氣籌略遂霸西域葱嶺以東莫不率服其俗文

夫翦髮婦人衣襦著大袴婚姻同華夏兵有弓刀甲稍死亡者皆焚

而後葬其服制滿七日則除之俗事天神氣候寒土田良沃穀有稻

粟菽麥畜有駝馬牛羊養蠶不以為絲唯取綿纈俗尚蒲陶酒兼

愛音樂其後張駿遣沙州刺史楊宣率眾彊理西域宣以部將張植

為前鋒軍次其國進屯鐵門未至十餘里熙又率眾先要之於遮留

谷植將至或曰漢祖畏於柏人岑彭死於彭亡谷為遮留殆將有伏

單騎嘗之果有伏發植擊敗之進據尉犁熙降于宣呂光僭位熙遣

子入侍至魏遣成周公萬度歸討之其王鳩尸卑那眾大潰單騎走

入山中度歸進屠其城四部諸戎皆降服焉耆者焉耆為國斗絕一隅不

亂日久獲其珍奇異玩殊方詭譎難名之物橐駝馬牛雜畜巨萬至

後周武帝保定四年其王遣使獻名馬隋煬帝大業中其王龍突騎

遣使貢方物 ○大唐貞觀六年正月又遣使貢方物今其王龍姓即

突騎之後盡并有漢時尉犁危須山國三國之地并鄯善之北界矣

于闐

于闐漢時通焉都葱嶺之北二百餘里去長安九千七百里戶三萬二千

東北至都護理所三千九百里南與姑羗接北與姑墨接東北去龜

茲千四百里東去鄯善千五百里西通皮山國四百里去東朱俱波國千里

西北至踈勒國千五百里其國之西水皆西流注西海其東水東流注

鹽澤即蒲昌海國有阿耨達山據漢書河源出焉名首拔河亦名樹拔河或云即黃河也北海七百里入計水

一名計首水即葱嶺南河同入鹽澤或云阿耨達即崑崙山樞內屋反風俗物產與龜茲略同後漢建武末莎

車王賢強盛攻并于闐徙其主俞林為驪歸王以莎車將軍居德為

于闐王明帝永平中居德死後于闐將休莫霸自立為王休莫霸死

兄子廣德立後遂滅莎車其國轉強盛從精絕西北至踈勒十三國

皆服從而鄯善王亦始強焉自是南道自葱嶺以東唯此二國為大

後漢魏後魏梁後周隋大唐貞觀中並遣使通焉今王姓尉遲西五百里

比摩寺俗云是老子化胡成佛之所初老子至此白日昇天與群胡辭決言我曹遊天上尋嘗下生其後出天竺國化為胡王太子自稱曰佛因立此寺焉其王錦帽

金裝冠妻戴金花其王髮不令人見俗云若見髮年必儉其地多水潦

砂石氣候溫土良沃且稻麥多蒲陶有水出名曰玉河國人善鑄銅

器其居曰西山城有屋室市井菘蔬與中國同蘇力王所居加以朱

畫其人恭相見則跪其跪一膝至地書則以木為筆札以玉為印國人

得書先戴於首而後開封自高昌以西諸國人多深目高鼻唯此一

國貌不甚胡頗類華夏自漢孝武至今中國詔令書冊符節悉得傳

以相付劄而存焉今并有漢戎盧村彌渠勒皮山精絕五國之地

踈勒

踈勒漢時通焉王理踈勒城去長安九千三百里戶千五百都白山南

百餘里東至都尉理所二千二百里南有河西帶葱嶺亦名雪山在國

西北百餘里河所出東去龜茲千五百里西去撥汗國撥汗一千里當

大月氏大宛康居道南去莎車五六百里去朱俱波八九百里隋史云東

牙帳千餘里東南去瓜州四千六百里在于闐國北千五百里土多稻粟蔗麥鋼鐵綿錦

黃後漢明帝永平中龜茲王建攻殺踈勒王成自以龜茲左候兜題

為踈勒王漢遣班超劫縛兜題而立成之兄子忠為踈勒王忠後叛

反超擊斬之耿恭為戍已校尉屯車師後王金滿城為匈奴所攻恭

引眾入踈勒城中乏水穿井十五丈不得水恭整衣服向井拜拔刀

刺山飛泉涌出賊遂退安帝元初中踈勒王安國死舅臣盤立為王

漸以強盛戶至二萬一千順帝永建二年遣使奉獻至靈帝建寧初為
季父和得所殺自立為王其後連相殺害漢不能復禁至後魏孝文
末貢獻隋煬帝大業中又通焉其土手足皆六指產子非六則不育
王戴金師子冠。唐貞觀中朝貢今其國王姓裴并有漢時莎車
損毒休脩三國之地侍之常在京師。利琛經行記云按汗那國在吐魯斯南
餘里城有數十兵有數萬大唐天寶十年嫁和義公主於此國土有波羅林林下有
有野鼠遍滿于谷徧宜蒲陶醴羅果香棗桃李從此國至西海盡居土室衣羊皮
布男婦人皆著韃婦人不飾鉛粉以青袋塗眼而已聽音語

烏孫

烏孫漢時通焉大昆彌理赤谷城。烏孫於西域諸戎其形取異今之胡人青眼青鬚
髮狀類獬豸者本其種也其國謂王曰昆彌亦曰
去長安八千九百里戶十三萬東至都護理所千七百里西至康居
菴內地五千里地莽平多雨寒山多松楸。其心似松言或元反不田作種樹。樹種隨
育畜逐水草與匈奴同俗國多馬富人至四五千疋東與匈奴西北與
康居西與大宛南與城障諸國接本塞地也大月氏西破走塞王塞
王南越懸度大月氏居其地後烏孫昆莫擊破大月氏大月氏徙西
臣大夏而烏孫昆莫居之昆莫昆彌皆王號也故烏孫國有塞種大
月氏種焉始張騫言烏孫本與大月氏共在燉煌間今烏孫強大可
厚賂招令東居故地妻以公主以制匈奴武帝即位今騫齋金幣往
昆莫於是使獻馬願尚公主元封中遣江都王建女細君為公主以
妻焉公主別理官室而居歲時一再與昆莫會置酒飲食昆莫年老
語言不通公主悲愁自作歌以述意天子聞而憐之昆莫死孫岑陁
立岑陁者官號也名軍須靡公主死漢復以楚王之孫解憂為公
主妻之岑陁死季父子翁歸靡立號曰肥王復尚解憂公主宣帝初
公主及昆彌翁歸靡上書言匈奴連歲侵擊欲發國半精兵自給
人馬五萬騎盡力擊匈奴唯天子出兵以救本始三年漢發十五萬
騎五將軍分道並出遣校尉常惠持節護烏孫兵昆彌將五萬騎從
西方入至匈奴右谷彘王庭。谷音鹿音黎獲四萬級馬牛羊驢橐駝七十
餘萬宣帝時都護鄭吉請分烏孫為大昆彌後改會宗為都護時
烏孫兵圍驛騎上書願發城郭燉煌兵以自救丞相王商大將軍王
鳳及百寮議數日不決上召陳湯問對曰臣以為此必無可憂夫胡
兵五而當漢兵一何者兵刃朴鈍弓弩不利今聞頗得漢工然猶三

而當一又兵法曰客倍而主人半然後料敵今烏孫人衆不足以勝會宗惟陛下勿憂且兵輕行五十里重行三十里今會宗發城郭燉煌歷時而至所謂報讎之兵非救急之用也烏合不能久攻不過五日當有吉語聞居四日軍書至言已解會宗招還亡畔安定歸靡死烏孫貴人共立岑陁子泥靡代為昆彌號狂王復尚解憂生一男鳴靡王不與主和又暴惡失衆漢使衛司魏和意副候任昌送子侍公主言狂王為烏孫所患苦易誅也遂謀置酒會罷使士拔劍旁下狂王傷上馬馳去其細沈瘦會兵圍和意昌及公主於赤谷城數月城中困急都護鄭吉發諸國兵救之乃解去初肥王翁歸靡胡婦子烏就屠狂王傷時驚與諸胡音俱去君北中楊母家匈奴兵來故眾歸之後遂襲殺王自為昆彌宣帝詔立肥王之子元貴彌為大昆彌烏就屠為小昆彌元貴靡後孫唯要彌立國亂改會宗立其季父伊秩靡為大昆彌哀帝元壽二年伊秩靡與匈奴單于烏孫語名素如牙並入朝漢以為榮自烏孫分立兩昆彌後漢用夏勞且寧歲言或鎮撫或威其制之故多事後無聞至後魏時亦朝貢其國數為蠕蠕所侵西徙葱嶺

姑墨

姑墨漢時通焉王理南城去長安八千一百里戶二千五百東至都護理所千里南至于闐馬行十五日北界接烏孫出銅鐵雌黃東通龜茲六百里王莽時其王承殺温宿王并其國至後魏時役龜茲

温宿

温宿漢時通焉王理温宿城今京兆府醴泉縣北有名山温宿嶺者本因漢時温宿國人今居此田字救因名也去長安八千三百餘里戶二千二百東至都護理所二千三百餘里西至尉頭三百里北至烏孫赤谷六百餘里土地物類所有與鄯善諸國同通姑墨東二百餘里至後魏時亦役屬龜茲

烏秣

烏秣上一加反下直加反漢時通焉王理烏秣城去長安萬里戶五百東北至都護理所四千九百北與子合蒲黎西與難兜接山居田石間有白草累石為室人接手自高山下溪澗中飲水故接連其手如猿飲出小步馬小細也細步言其能足所謂百步千步有驢無牛西有懸度山石溪谷不通以獨索相引而度去陽關五千九百里去都護理所五千里其國後魏又通謂之於摩國

難兜

難兜漢時通焉去長安萬二百里戶五千東北至都護理所二千八百里西南至劉賓三百里南與婁菟北與休屠西與大月支接種五穀蒲陶果有銀鐵銅作兵與諸國同屬劉賓

大宛

大宛漢時通焉王理貴王山城去長安萬二千五百里戶萬東至都護理所四千里北至康居于闐城千五百里西南至大月氏七百里北與康居南與大月氏接土地風氣物類人俗與大月氏安息同大宛左右以蒲陶為酒富人藏酒至萬餘石久者至數十年不敗人嗜酒馬嗜苜蓿多善馬汗血其言先天馬子大宛國中有高其上有馬不可得因取日天子始張騫為武帝言之帝遣使者持金及金馬以請宛善馬宛王以漢絕遠大兵不能至遂殺漢使於是太初元年拜李廣利為貳師將軍期至貳師取善馬率數萬人至其境攻郁城不下引還往來二歲至燉煌士卒存者十不過一二帝怒其不尅使遮王門不許入貳師因留屯燉煌又遣貳師率六萬人負私從者不與焉牛十萬馬三萬匹驢橐駝萬數天下騷然益發代甲卒十八萬置居延休屠今武威縣以衛酒泉貳師至宛宛人斬王無寡首獻焉漢軍取其善馬數十疋中馬以下牝牡三千疋而立宛貴人昧蔡為王約歲獻馬二疋遂採蒲萄苜蓿宿種而歸貳師再行往返凡四歲自宛以西至安息雖頗異言然大同自相曉知也其人皆深目多鬚髯善賈其俗貴女人女子所言丈夫乃決正其地無絲漆不知鑄器及漢使亡卒降教鑄作兵器漢使三其國及亡卒降其國者皆教後漢明帝時宛又獻汗血馬至後魏文成帝和平六年孝文太和三年並遣使獻焉隋時蘇對沙那國即漢大宛也宋齊志大宛馬有內角數寸或有解人語及知音舞與鼓節相應者隋西域圖記云其馬名烏馬多赤耳黃馬赤馬多黑耳唯耳色別自餘毛色與常馬不異又云王姓蘇色匿字底失槃陸積代承龍不絕案今王即底失槃陸之後

莎車

莎車漢時通焉理莎車城去長安九千九百戶二千三百東北至都護理所四千七百里西去踈勒五百里西南至蒲犁七百里有鐵山出青玉宣帝時莎車王呼屠微殺漢使者約諸國叛漢會衛侯馮奉世使大宛以便宜發諸國兵擊殺之傳其首詣長安諸國悉平威振西域

奉世至大宛聞其斬莎車王勣之異於他使得其名馬象龍而還

馬帝甚說下議封奉世少府蕭望之以奉世擅制發諸國兵雖有

功効不可以為後法即封奉世關內侯後奉使者利以奉世為比爭

遂發兵要功萬里之外為國家生事於夷狄漸不可長不宜受封帝

善其議以奉世為光祿大夫元帝時奉世死後二年西域都護甘延

壽以誅郅音質支單于封為列侯於是杜欽上疏追訟奉世前功曰前

莎車王殺漢使者約諸國背叛而奉世以便宜發兵誅莎車王册定

城郭功施邊境議者以奉世奉使有指春秋之義亡遂事漢家之法

有矯制故不得侯今匈奴郅支單于殺漢使者亡保康居都護延壽

發城郭兵屯田吏士四萬餘人以誅斬之封為列侯臣愚以為比罪

則郅支薄量敵則莎車眾用師則奉世寡制勝則奉世多於邊境居

安慮危則延壽為禍於國家深其違命而擅生事同延壽則割地封

而奉世獨不錄臣功同賞異則勞臣疑願下有司議帝以先帝時不

復錄後漢荀悅論曰成其功美足封追錄前事可也春秋之義毀泉臺則惡之合中軍則

善之各由其宜也夫禮制之事先王之所慎也不得而行之若矯大而功小有詩

可也矯小而功大有賞可也功過相若至王莽特亂以奴略有西域唯莎車不

附屬後漢光武建武五年河西大將軍竇融乃承制立其王康為漢

莎車王建初德王西域太尉五十五國皆屬焉康死弟賢代立賢攻

破拘彌西夜國皆殺其王而立其兄康兩子為拘彌西夜主於是西

域始通葱嶺以東諸國皆屬賢諸國號賢為單于賢後攻殺龜茲

王遂兼其國焉塞王自以國遠遂殺賢使賢擊滅之立其國貴人

鞬為塞王鞬檢言反又自立其子則羅為龜茲王其烏壘大寧閼婁

墨子合等國悉被賢改易其王莎車相且運等且子余患賢驕暴密

謀反城降于闐音于闐王廣德乃將諸國兵三萬人攻莎車事賢乃

輕騎出廣德遂執賢殺之匈奴聞廣德滅莎車遣兵將賢質子不居

微立為莎車王章帝時長史班超發諸國兵擊破之由是遂降焉

班固論曰孝武之代圖制匈奴患其兼從西國結黨南羗乃表河西

列四郡開玉門通西域以斷匈奴右臂隔絕南羗月氏單于失援自

是遠遁而幕南無王庭因文景立默養人五公不下殷富則力有餘士

馬強盛故能睹犀布瑇瑁則建珠崖七部感蒟醬竹枝則開牂牁

越雋聞天馬蒲陶則通大宛自是之後萬里相奉師旅之費不可勝

計至於用度不足乃推酒酤筦鹽鐵白金皮幣筭至車船租及六畜
人力屈財竭屈音其因之以凶年群盜並起自以末年遂弃輸臺之地
而下哀痛之詔豈非聖人之所悔哉豈西域近有龍堆遠則葱嶺身
熱頭痛懸度之阨淮南杜欽揚雄之論皆以為此天地所以界別區
域絕外內也書云西戎則序禹貢之辭禹就而序之非上威服致其貢
物也西域諸國各有君長兵眾分弱無所統一雖屬匈奴不相親附
匈奴能得其馬畜旃裘而不能統率與之進退與漢隔絕道里又遠
得之不為益弃之不為損盛德在我無取於彼故自建武以來西域
思漢盛德咸樂內屬唯其小邑鄯善車師界迫匈奴尚為所拘而其
大國莎車于闐之屬數遣使置質願請都護聖人遠鑑古今因時之
宜羈縻不絕辭而未許雖大禹之序西戎周公之讓白雉太宗之却
走馬義兼之矣亦何以尚茲

劉賓

劉賓在懸度山西漢時通焉王理脩鮮城去長安萬二千二百里不
屬都護戶口勝兵多大國也東北至都護理所六千八百里東至烏
秣國二千二百里東北至難兜國九日行西北與大月氏西南與烏弋
山離接昔匈奴破大月氏大月氏西居大夏塞王居劉賓塞種分散
往往為數國自踈勒以西北休屠損毒之屬皆故塞種也顏師古曰
劉賓平地温和有苜蓿雜草奇木檀欒梓竹漆葉大而黑種五穀
蒲萄諸果糞理園田地下濕生稻冬食生菜其民巧雕文刻鏤理官
室織劉刺文繡好理食有金銀銅錫以為器市列市有列金銀為錢
文為騎馬幕為人面錢文面作騎馬形漫而作人面也出犂牛象大狗沐猴
孔雀犂牛項上高起珠璣珊瑚琥魄辟珣珠璣青色如玉璣碧色如王璣碧色如大璣碧色如
瑞孟康言青色不博通也此自然之物彰澤光潤踰於眾在其色不他畜與諸國同
自漢武帝以絕遠兵不至雖遣使貢獻屢殺漢使至成帝時又遣
使者奉獻漢欲遣使者報送其使杜欽說大將軍王鳳曰凡中國
所以為通厚蠻夷匹快其求者為壤比而為寇也比近也為其上壤壤
今懸度之阨非劉賓所能越也其響慕不足以安西域雖不附不能危
城障城障諸國也今遣使皆行賈賤人欲通貨市買以朝獻為名故煩
使者送至懸度恐其失實見欺遣使送客者欲防護寇害也起皮山

南更不漢屬之國四五言經略不屬漢者凡四五國斤候士百餘人五分夜擊刀斗自守

尚時為所侵盜驢畜負糧須諸國廩食得以自贍國或貧小不能食

或桀黠不肯給擁強漢之節餒山谷之間離二旬則人畜奔損曠野

而不反又歷大小頭痛之山赤土身熱之阪令人身熱無色頭痛嘔吐驢

畜盡然又有三池盤石阪道陜者尺六七寸長者徑三十里臨崢嶸不

測之深行者騎步持繩索以相引二千餘里乃到懸度險阻危阨不

可勝言聖王分九州制五服務盛內不求外今遣使者承至尊之命

送蠻夷之賈勞吏士之衆涉危難之路罷弊所恃以事無用非久長

計也於是鳳白從欽言窺賓實利賞賜賈市其使數年而至自後

無聞至後魏始通之都善見城至隋時謂之漕國在葱嶺之西南隋史

曰即漢時窺賓國其王姓昭武康國之宗族勝兵萬餘人國法嚴整殺人及賊

盜皆死其俗淫祀葱嶺山有順天神者儀制極華金銀為屋以銀

為地祠前一魚脊骨其孔中通馬騎出入國王戴金牛頭冠坐金馬

座土多稻粟豆麥饒象馬羣牛金銀鑛音寶鐵麴音耗反始盧朱沙青黛

安息青木等香石蜜黑鹽阿魏役藥白附子北去帆延七百里東去

割國六百里東去瓜州六千六百里六業中遣使貢物大唐貞觀十一

年其國遣使又號窺賓獻俱物頭花丹紫相間其香遠聞

烏弋山離漢時通焉去長安萬二千二百里不屬都護戶口多天國

也東北至都護理所六十日行東與窺賓北與撲桃西與犁鞞條支

條支

條支漢時通焉去陽關二萬二千一百里在葱嶺之西城在山之上

周迴四十餘里臨西海水曲環其南及東北三面路絕唯西北隅通

陸道土地暑熱下濕田宜稻出羣牛孔雀有大鳥卵如甕人眾甚多

往往有小君長安息役屬之以為外國安息以條支為外國如言蕃國善眩其草木畜

產五穀果菜食飲宮室布列錢化具兵器金珠之屬皆與窺賓同而有

桃拔師子犀牛桃拔一名符拔似鹿長毛一角者或為天鹿兩角者或為辟拔師子

反形亦類傍十也其錢獨文為人慕為騎馬絕遠漢使希至自玉門陽關

出南道歷鄯善而南行烏弋山南道極矣轉北而東復馬行六十餘

烏弋山離

接與驪同音巨連反

條支

反形亦類傍十也

其錢獨文為人慕為騎馬絕遠漢使希至自玉門陽關

日至安息後和帝永元中班超遣掾甘英使大秦抵條支臨大海欲渡而安息西界船人謂英曰海水廣大往來者逢善風三月乃得渡若遇惡風雨亦有三歲者英聞而止

安息

安息國漢時通焉王理番兜城音番去長安萬一千六百里在葱嶺之西大宛之西可數千里不屬都護北與康居東與烏弋山離西與條支接土地風氣物類人俗與烏弋剽賓同亦以銀為錢文獨為王面幕為夫人面生死輒更鑄錢有大馬大爵大爵頭及鷹身以象其尊地方數千里大諸國地臨媯水今謂之商賈車船行旁國畫革旁行為書記今西方胡書皆橫行不直下革謂皮不柔者武帝始遣使至安息其王令騎迎於東界木鹿城號為小安息去王都數千里行北過數十城人戶相屬屬連因發使隨漢使以大鳥及卵犁鞞眩人獻至後漢章帝時理和犢城遣使獻師子符拔符拔形似麟而無角自安息西行三千四百里至阿壘國從阿壘西行三千六百里至斯賓國從斯賓南行渡河又西至于羅國九百六十里安息西界極之自此南乘海乃通大秦其土多海西珍奇異物至後周武帝天和二年其王理蔚搜城遣使貢獻至隋大業五年安息國遣使朝貢隋史云即漢時安息國王姓昭武與康國王同族都在那密水南城有五重環流水宮殿皆為平頭王坐金駝座高七尺風俗同於康國唯妻其姊妹及母子遞相禽獸此為異也

大夏

大夏漢時通焉在大宛西南二千餘里媯水南其俗上著有城屋與大宛同俗去漢萬二千里居漢西南本大君長城邑往往置小君長其兵弱畏戰善賈市及大月氏西徙販攻之皆臣畜其稟漢使者同受大夏人多可萬餘有市販賈諸物其東南接不毒國皆屬大月氏

大月氏

大月氏漢時通焉理藍氏城在大宛西可二千里居媯水北其南則大夏西接安息四十九日行北則康居去長安萬一千六百里不屬都護戶十萬東去長史所居六千五百里土地氣候物類風俗錢貨與安息同出封駝音起其國本行國也隨畜移徙與匈奴同俗控弦十餘萬故恃強輕匈奴本居燉煌祁連間祁連在今張掖郡之西北至冒頓單于攻

月氏而老上單于殺月氏王以其頭為飲器乃遠去過大宛西擊大夏而臣之都嬭水北為王庭其餘小眾不能去者保南山羌號小月氏於大夏分其國五部翎侯後百餘歲貴霜王古翕侯兵就却攻滅又滅僕達芻賓悉有其國復滅天竺月氏自此之後最為富盛至後魏代北與蠕蠕接數為所侵遂西徙都薄羅城去弗敵沙二千一百里弗敵沙在藍氏城東後其王寄多羅勇武遂興師越大山南侵北天竺自軋陁羅以北五國盡役屬之國人乘四輪車或四牛六牛八牛輓之在車大小而已後魏太武其國人商販到京師自云能鑄石為五色琉璃於是採礦山中於之師鑄之既成光澤美於西方來者乃詔為行殿容百餘人光色映澈觀者驚以為神明所作自此琉璃遂賤人不復珍之之中記馬出大月氏又有小月氏及今日取其肉明日瘡愈宋唐異物志云月氏國有羊犀重十斤割之供食尋生如故者

小月氏

小月氏理富橫沙城其王本大月氏王寄多羅子也寄多羅為蠕蠕所逐西徙後令其子守此城因號小月氏焉在波路西南後魏史云去漢先居西平張掖之間被服頗與羌同其俗以金銀錢為化具隨畜牧移徙亦類北狄

通典卷第一百九十三 邊防九 西 五

康居	曹國	何國	史國	菴蔡	滑國	噉達
挹阻	天竺	車離	師子	高附	大秦	小人
軒渠	三童	澤散	驢分	堅昆	呼得	丁令
短人	波斯	悅般	伏盧尼	朱俱波	渴槃陁	粟弋
阿鈞羗	副貨	疊伏羅	賒彌	石國	女國	吐火羅
劫國	陀羅伊羅	越底延	大食			

康居

康居漢時通焉在大宛西北可二千里與粟弋伊隣接王理樂越地卑
 闐城亦居蘇薤城去長安萬二千三百里不屬都護戶十一萬東至都
 護理所五千五百里與六月氏同俗地一暖蘇桐柳流有冬草出好馬
 車羈事匈奴宣帝時郅支單于殺漢使者西阻康居依其險阻其後甘延
 壽陳湯誅滅郅支單于至成帝時康居遣子侍漢貢獻然自以絕遠獨
 驕慢都護郭舜數上言康居驕黠本遣子入侍此其欲賈市為好辭之詐
 也宜歸其侍子絕勿復使不通使於其國燉煌酒泉小郡及南道八國給使者往來

人馬驢橐駝食皆苦乏空罷耗所過迭迎驕黠絕遠之國非至計也漢為
 其新通重置遠人以此聲名為重終羈縻而米絕自後無聞或名號變易或遷徙
 吞并非所詳也至晉武帝太始中其二那鼻遣使獻善馬至後魏太武
 大延中遣使朝貢其國又稱者舌後魏史云即漢康居也至隋時謂之康國大業中
 遣使朝貢其王姓温月氏人也隋史云即漢康居之後舊居祁連山昭武城自
 被匈奴所破西踰葱嶺遂有此國枝庶各分王故康國左古諸國米國史
 國曹國何國安國小安國那色波國烏那西國穆國凡皆其種類並

穿髮冠七寶

以昭武為姓示不忘本也康國都於陸寶水上阿祿
 金花綾羅錦繡白疊其妻有髮幪以帛巾丈夫翦髮錦袍名為強國西
 域諸國多歸之人皆深目高鼻多鬚鬣善於商賈諸夷交易多湊其國
 有大小鼓琵琶五絃篳篥笛簫婚嫁喪制與突厥同俗奉佛為胡書氣候
 温宜五穀勤脩園蔬樹木滋茂出馬駝騾犂牛黃金礪砂甘松香阿薩
 那香琵琶摩皮毼氍毹錦疊多蒲萄酒富家或置千石連年不敗韋節西
 蕃記云康國人並善賈男年五歲則令與書少解則遣學賈以得利為
 善其人好音聲以六月一日為歲首至此日王及人庶並服新衣剪髮

國城東林下七日馬射至欲罷日置一金毬於帖上射中者則得一日為工
俗事天神崇敬甚重云神兒七月死失骸骨事神之人每至其月俱著
疊衣徒跣撫胸號哭涕淚交流丈夫婦共三五百人散在草野求天兒骸
骨七日便止國城外別有二百餘戶專知此事別築一院院內養狗每有
人死即往取屍置此院內令狗食之肉盡收骸骨埋殯無棺槨大唐貞觀
二十二年其國獻黃桃大如鵝卵其色如金亦呼為金桃杜還經行記云康國在
米國西南三百餘里一
名薛未建土沃富國小有神
祠名按諸國事者今出於此

曹國

曹國隋時都那密水南數里舊是康居之地國主康
之勝兵千餘人國中有得悉神自西海以東諸國並敬事其
破羅闊丈五尺高下相稱每月以駝三頭馬十疋羊百口祭之常有千人食
之不盡東南去康國百里西去何國百五十里東去瓜州六千六百里大業
中遣使來貢

何國

何國隋時亦都那密水南數里其王姓昭武亦康國之
國百五十里西去小安國三百里南去瓜州六千七百五十里大業中及大
唐武德貞觀中皆遣使來貢

史國

史國隋時都獨莫水南十里亦舊康居之地也其王姓昭武亦康國王之
枝庶也勝兵千餘人俗同康國北去瓜州二百里南去瓜州五百
里西去那色波國二百里東北去米國
始通中國後漸強盛乃創建乞史城為羅十甲
遣使來貢自曹國何國史國皆在漢
之康居故地後漢附之

奄蔡

奄蔡漢時通焉西與大秦東南二千里與康居接去陽關八千餘里控弦
十餘萬與康居同俗而屬康居土氣溫和臨大澤無涯岸多楨松白草
及貂畜牧逐水草蓋近北海至後漢改名阿蘭那國後魏時曰粟特國
名温那沙後漢史云初匈奴殺其王而有其國至
成帝初遣使朝貢其王忽倪已三代矣周武帝時亦遣使來貢

滑國

滑國車師之別種也後漢順帝建初初滑從班勇擊北虜有功漢以八
滑為後部親漢侯自魏晉以來不通中國至梁武帝普初其王厭帶夷
粟隨始遣使獻貢黃師子白貂裘波斯錦等物後魏之居柔乾也滑猶小
國屬蠕蠕後稍強大征其旁國以斯渴槃剌宿為龜茲疎勒姑墨于闐等
國焉其獸有師子兩脚駝野驢日角人皆善騎射著小袖長袍用金為
帶女人披裘頭上刻木為角長寸許以金銀
居東向開戶其王坐金牀隨太生
為胡書羊皮為紙無職官事天神
拜而止死以木為椁父母死其子
通至後魏時謂之滑匣

嘽國

嘽國或云高車之別種或云大月氏之別種類其源出於塞北自
至後魏文帝時已八九十年
胡加以纓各頭皆剪髮其語
嚴急盜無多少比日

萬依隨水草其國無車有輿
責十死者富家累石為藏貧
娶一妻無兄弟者其妻戴一角帽

若有兄弟者依其多少之數

帽角

焉西域康居于闐沙勒安息及
使朝貢孝明帝熙平中遣伏于流宋雲使西域所經
末及山川里數今舉其略云

挹怛同

挹怛同至隋時又謂挹怛國焉

類也勝兵五六萬人俗善戰先時國

吐火羅南去曹國千五百里東去瓜州六

諸梁典滑國姓嘽後裔以姓為國號轉訛又謂之挹怛焉

種或云大月氏之種又韋節西番記云親問其國人並自稱挹怛又按漢書陳湯征鄯支康居副
王挹閼抄其後重此或康居之種類然傳自遠國夷語訛舛年代綿邈莫
也今考其風俗物產
及考其風俗物產

天竺

天竺後漢通焉即漢時身毒國
初張騫使大夏見平竹杖蜀布問自安得此大夏國
人曰吾買人往身毒國市之即天竺也或云摩伽陀或

云婆羅門在志嶺之南去月氏東南數千里地方三萬餘里其中分為五天竺一曰中天竺二曰東天竺
 三曰南天竺四曰西天竺五曰北天竺各數千里城邑數百南天竺際大海北天竺踰雪山四周有山為
 壁南面一谷通為國門東天竺東際大海與扶南林邑隣接但隔小海而已西天竺與波斯相
 接中天竺據四天竺據四天竺之間國並有玉澤時又有損毒國去長安九千八百里去都護理所
 二千八百里南與志嶺相連北與烏孫接衣服類烏孫隨水草故塞種也從月氏高附國以
 顯師古云捐毒即身毒身毒則天竺也塞種即釋種也蓋語音有輕重也

西南至西海東至盤起皆身毒之地身毒有別城數百城置長有別聞

數十國置王雖各小異而俱名身毒扶南傳云舍衛國隸屬天竺國一名波羅奈
 國亦名皮波羅奈斯國竺法維佛國記云波羅

奈國在伽維羅越國南千四百八十里釋法盛曆國傳云其國有精割牛其牛黑色角細長可四
 尺餘十日一割便困病或致死人服牛血皆老壽國人皆壽五百歲牛壽亦等於人亦天竺屬國都

臨恒河一名迦毗黎河靈就烏山胡語曰耆闍崛山是青石頭似就馬鳥

竺法維佛國記云在摩竭
 提國南亦天竺屬國也其時皆屬月氏月氏殺其王而置將令統其人俗脩

浮圖道不殺生飲酒桓帝延熹二年頻從南徼外來獻時帝好神數祀浮

圖老子百姓稍有奉者後至轉盛其國人土著與月氏同而卑濕暑熱人

弱於月氏魏晉代絕不復通與武帝天監初其王長史竺羅貢獻後魏宣

武時南天竺國遣使獻駿馬云其國出師子貂豹揮反麋象犀象有火

齊如雲母而色紫列之則薄如蠟音蠟則如紗縠之重脊有金剛似紫

石英百鍊不銷可以為王璽音璽金銅鐵金錫金縷織皮金刺白疊能音能

塔登又有旃檀音檀蜜胡椒薑薑黑鹽西與大秦安息

交市海中或至音至交阯音交多音多珍寶珠玉音珠俗無簿籍音籍以齒貝為

貨尤工幻化丈夫致音致奇極者音奇一音一座音座踵而音踵其國家有奇樂倡伎其王與

大臣多服錦罽王為音罽髮音髮長髮音髮之使知丈夫剪髮穿耳垂璫俗

皆徒跣衣重白色怯音怯於音於關戰音戰言音言亦音亦有飛梯地道水牛流馬之

法有文字善天文算曆之術其音術言音言悉音悉墨音墨章書於貝多音貝樹葉以記事

隋煬帝志通西域遣裴矩音矩西蕃諸國多有至者唯天竺不通帝以

為恨○大唐武德中其東西音西北音北四天竺國悉為中天竺國所并貞觀十

五年其王姓乞利至音至名尸羅音尸逸多音逸或云姓利利氏遣使奉表二十二年

右衛率府長史王玄冊奉使大竺會音會羅逸多死國大亂其臣那伏帝阿

羅那順自立乃發兵拒玄冊遁音遁抵于吐蕃之西南以書徵隣國之兵吐蕃

發精銳千二百人泥波婆羅國發七千餘騎來赴玄冊與其副將師仁率二

國之兵進至茶鋪音鋪和羅城即中音中天竺之所居也連戰大破之斬首三千

餘級赴水溺死者且萬人獲其王祀及王子等虜男女萬三千人牛馬三

萬餘疋於是天竺鄉音震城邑聚落降者五百八十餘所遂俘阿羅那順以

還音還

晉宋時浮圖經云臨國其王生浮圖太二也父曰肩頭耶母曰莫耶浮圖身服色黃髮青如青
 將始莫者夢白象始孕及生從母左

種焉謂之左賢王也
種雍屈種真樹種力騰種皆曰部故不相雜錯居之最
方王左獨鹿王右獨鹿王左顯祿王右顯祿王左安樂王右安樂王八十八等工皆用軍于親子弟
其國人有慕母氏勒氏皆
勇健好反叛呼丁反
高帝以官女妻冒頓約為
兄弟故子孫遂冒姓劉氏
元海父豹即單于扶
羅之子左賢王也

折而漢之疲耗略相當矣宣帝值虜庭分爭呼韓耶來臣乃權納懷
柔因為邊衛單于保塞稱蕃故曰邊衛罷關徼之警言息兵民之勞六十餘年矣後王莽并
陵篡擾動戎夷續以更改之亂方憂幅裂自是匈奴得志內暴滋深
光武以用事諸華未遑沙塞之外因徙幽并之民增屯戍之卒而已其後
匈奴爭立日逐來奔願修呼韓之好以禦北狄之衝奉藩稱臣永為扞禦
天子乃詔有司開北鄙擇肥美之地量水草以處之於是匈奴分破始有
南北二庭焉後讎豐既深互伺便隙至於陷潰創傷者靡歲或寧而
漢之塞地晏然矣後亦頗為出師今實憲耿夔之徒前後掩其窟穴躡
北追奔三千餘里單于震懼遁走於烏孫之地而漠北空矣若因其時勢

種焉謂之左賢王也
種雍屈種真樹種力騰種皆曰部故不相雜錯居之最
方王左獨鹿王右獨鹿王左顯祿王右顯祿王左安樂王右安樂王八十八等工皆用軍于親子弟
其國人有慕母氏勒氏皆
勇健好反叛呼丁反
高帝以官女妻冒頓約為
兄弟故子孫遂冒姓劉氏
元海父豹即單于扶
羅之子左賢王也
折而漢之疲耗略相當矣宣帝值虜庭分爭呼韓耶來臣乃權納懷
柔因為邊衛單于保塞稱蕃故曰邊衛罷關徼之警言息兵民之勞六十餘年矣後王莽并
陵篡擾動戎夷續以更改之亂方憂幅裂自是匈奴得志內暴滋深
光武以用事諸華未遑沙塞之外因徙幽并之民增屯戍之卒而已其後
匈奴爭立日逐來奔願修呼韓之好以禦北狄之衝奉藩稱臣永為扞禦
天子乃詔有司開北鄙擇肥美之地量水草以處之於是匈奴分破始有
南北二庭焉後讎豐既深互伺便隙至於陷潰創傷者靡歲或寧而
漢之塞地晏然矣後亦頗為出師今實憲耿夔之徒前後掩其窟穴躡
北追奔三千餘里單于震懼遁走於烏孫之地而漠北空矣若因其時勢

啜女督阿史得胡祿俄又歸朝授以特進其秋默啜與九姓首無陌
思布等戰于磧北九姓大潰人畜多死布思率眾來降四年默啜又北
計九姓拔曳固戰于獨樂河拔曳固大敗默啜負勝輕歸而不設備
遇拔曳固逆率頡質略於柳林中突出擊默啜斬之便與入蕃使郝
靈佺傳默啜首至京師骨咄祿之子闕特勤鳩合舊部殺默啜子小
可汗及其諸弟并親信略盡立左賢王默棘連是為毗伽可汗毗伽
以開元四年即位本蕃號為小殺性仁友自以得國是闕特勤之功
固讓之闕特勤不受遂以為左賢王專掌兵馬是時奚契丹相率款
塞突騎施蘇祿自立為可汗突厥部落頗多携貳及召默啜時衙官
噉欲谷為謀主初默啜下衙官盡為闕特勤所殺噉欲谷以女為小
殺可敦遂免死廢歸部落及復用年已七十餘蕃人甚敬伏之俄而
降九阿悉爛跌跌思太等復自河曲叛歸初降戶南至單于左衛大
將軍單于副都護張知運盡收其器仗今渡河而蕃人怨怒御之中
丞姜晦為巡邊使蕃人訴無可矢不得射獵晦悉給還之故有抗敵之
具張知運既又知降戶戰于青岡嶺大敗臨陣生擒知運擬將送

與突厥朝之執中詔帝去道討之賊至大城縣又為將軍郭知運所
擊賊眾大潰散於黑山呼延公擇張知運而去上以張知運喪師斬之
以殉小殺既得降戶謀欲南入為寇噉欲谷曰唐主英武人和年豐
未有間隙不可動也我眾新集猶尚疲羸須且息養三數年始可觀
變而舉小殺又欲脩築城壁造立寺觀噉欲谷曰不可突厥人戶寡
少不敵中國百分之一所以常能抗拒者正以隨逐水草居處無常射
獵為業人皆習武強則進兵抄掠弱則竄伏山林唐兵雖多無所施
用若築城而改變舊俗一朝失利必將為唐所併且寺觀之法教人
仁弱本非用武爭強之道不可置也小殺等深然其計八年冬御史大
夫王峻為朔方大總管奏請西徵拔悉密東發奚契丹兩蕃期以明
年秋初引朔方兵數道俱入掩突厥衙帳於稽落河上小殺聞之大
恐噉欲谷曰拔悉密今在北庭與兩蕃東西相去極遠勢必不合王
峻兵馬計亦無能至此必若能來候其臨到即移衙帳向北三日唐
兵糧盡自然去矣且拔悉密輕而好利聞命必是先來王峻與張嘉
貞不協奏請有所不愜必不敢動若王峻兵馬不來拔悉密獨至即

擊取之勢易爲也拔悉密果臨突厥衙帳而王峻兵及兩蕃不至拔
悉密懼而引退突厥欲擊之噉欲谷曰此衆去家千里必將死戰未可
擊也不如以兵躡之去北庭二百里噉欲谷分兵閒道先掩北庭因縱
卒擊拔悉密之衆盡爲突厥所擒并虜其男女而還噉欲谷迴兵因
出赤亭以掠涼州羊馬時楊尒述爲涼州都督遣副將及判官元澄
出兵邀擊之噉欲谷曰尒述若守城自固即與連和若出兵相當即
領軍戰我今乘勝必有功矣尒述下兵至那剌丹遇賊元澄令兵上
揎臂持滿仍急結其袖會風雪凍冽盡墜弓矢由是官軍大敗元澄
脫身而走尒述坐削除官爵白衣檢校涼州事小殺由是上振盪有
默啜之衆俄又遣使請和乞與玄宗爲子許之仍請尚公主上但厚
賜而遣之十三年上將東巡中書令張說謀欲加兵以備突厥兵部郎
中裴光庭曰封禪告成之事忽此徵發豈非名實相乖說曰突厥比
雖請和獸心難測且小殺者仁而愛人衆爲之用關勳武善戰所向
無前噉欲谷深仇有謀老而益壯上請除勳之流也三虜協心動無
遺策知我中國下巡萬一寔爲之何以禦之光庭請遣使其大臣扈從
即突厥不不不亦難爲舉動說然其言乃道中書直省袁振攝
鴻臚卿往突厥以告其意小殺與其妻及鸞特勤噉欲谷等環坐帳
中設宴謂振曰吐蕃狗種唐國之與爲婚及契丹舊是突厥之奴
亦尚唐家公主突厥前後請結和親獨不蒙許何也袁振曰可汗既
與皇帝爲子父子豈合婚姻小殺等曰兩蕃亦蒙賜姓猶得尚公主
但依此例有何不可且聞入蕃公主皆非天子女今之所求豈問真假
頻請不得亦實羞見諸蕃振許爲奏請小殺乃遣大臣阿史得頡利
發入朝貢獻因扈從東巡發都至嘉會頓引頡利發及諸蕃酋長入
仗仍與之弓箭時有兎起於御馬之前上引弓傍射獲之頡利發便
下馬捧兎蹈舞曰聖人神武超絕若天上則不知人間無也自是常令
突厥入仗馳射起居舍人呂向上疏曰臣聞鷦臯不鳴未爲瑞鳥猛
虎雖伏豈齊仁獸是由醜性毒行以務常積故也夫突厥者正同此
類安忍殘賊莫顧君親陛下以武義臨之文德來之旣懼威靈又沐
聲汲以力以勢不得不庭故稽顙稱臣奔命遣使陛下乃能收其傾
効雜以從官赴封禪之禮參玉帛之會此德業自盛固不可名焉因

復許其從遊召入禁仗仰英姿之四照覩神藝之一發恩意俱極誠
無得喻焉乃更賜以馳逐使操弓矢竟飛鏃於前同獲獸之樂是屑
略太過未敢取也雖聖躬豁達與物無猜而愚心徘徊與時加慄
儻此等各懷犬吠交肆盜憎荆卿詭動何羅竊至斬楚逼嚴躡稍冒
清塵即殪立方丘墟幽土單于爲醢穹廬爲淖何塞過責特願勿復
親近使知分限待不失常歸於得所此謂迴兩曜之監祛九宇之憂
孰不幸甚上納其言遂令諸蕃先焚東封迴發設讜厚賜而遣竟不
許其和親自後減絕無聞

突厥下

鐵勒

薛延陀

僕胥

司羅

都波

拔野古

多濫葛

斛薛

阿跋

契苾羽

鞠國

俞拏

大漠

白霄

突厥下

西突厥大邏便

木杆可汗之子初木杆與沙鉢略可汗有隙因分為二大邏便即阿波可汗

其國居烏孫之故地東至突厥國西至雷耨海南至疎勒北至瀚海

在京師西北七千里自焉耆國西北七日行至其南庭自南庭又正北

八日行至其北庭鐵勒龜茲及西域諸國皆歸附之其人雜有都陸

及弩矢畢葛邏祿處月處密伊吾等諸種風俗大抵與突厥同唯

言語微異其官有葉護有設有特勒常以可汗子弟及宗族為之又

有乙斤屈利啜間洪達頡利發吐屯俟斤等官皆代襲其位大邏

便既為處邏便可汗所擒其國立勒素特勒之子是為泥利可汗至

其子達漫號泥厥處邏可汗即大邏便之種落與北突厥其母向氏本中國

人生達漫而泥利卒而向氏又嫁其弟婆實特勒隋開皇末婆實與

向氏詣長安處邏可汗居無常處然多在烏孫故地立小可汗分統所

部一在石國北以制諸胡一居龜茲北其地名應婆每五月八月相聚祭

神歲遣重臣向其先代所居之窟致祭焉煬帝大業六年帝將西討

吐谷渾遣侍御韋節召處羅會於大斗拔谷其國人不從羅謝使者

辭以故通會其酋長射匱使求婚裴矩因奏曰處羅不朝自恃強大

臣請以計弱之分裂其國則易制也射匱者都六之子達頭之孫達頭

西而可汗初與沙鉢略有隙遂分為別部因東可汗雍虞閭死後自立為步迦可汗達頭死後其孫射匱微弱不得為可汗代為可汗君臨西面

今聞其失職附隸於處羅故遣使來以結援耳願厚禮其使拜為大

可汗突厥勢分兩從我矣帝從之遂召其使者言處羅不順之意稱

射匱有好心吾將立為大可汗令發兵誅處羅然後當為婚也帝取

桃竹白羽箭一枝以賜射匱因謂之曰此事宜速疾如箭也使者返路

經處羅處羅愛箭將留之使者諷而得免射匱聞而大喜與兵襲

之處羅大敗弃妻子將左右數千騎東走遁於高昌東保時羅漫山

高昌王麴伯雅上狀帝遣裴矩將向氏親要左右往曉喻之遂入朝

詔留其累弱萬餘口令其弟闕達設牧畜會寧郡處羅可汗隋煬

帝大業中與特勒太柰入朝仍從煬帝征高麗賜號為曷薛那可汗
遇江都之亂從宇文文化及至河北化及敗大唐已革命歸京師封歸
義郡王俄貢大珠於高祖上勞之曰珠信為寶王但赤心珠無所用不
受自處羅朝隋後射匱遂有其地處羅既先與始畢有隙及在京師
始畢遣使請殺之高祖不許群臣諫曰今若不與則是存一人而失一
國也後必為惡遲迴久之不得已乃引曷薛那可汗於內殿與縱酒既
而送至中書門下省縱北突厥使殺之太宗即位今以禮改葬闕達設
初居於會寧有部落三千餘騎至隋末自稱曷薛那可汗武德初遣使內
屬厚加撫慰尋為李軌所滅特勒太柰隋大業中與曷薛那可汗同
歸中國及從煬帝討遼東以功授金紫光祿大夫後分其部落於樓
煩會高祖舉兵太柰率其眾以從隋將桑明和襲義軍於飲馬泉諸
軍多已奔退太柰將數百騎出明和復掩其不備擊大破之諸軍復
振拜光祿大夫及定京城以力戰功賞物五千段賜姓史氏武德初
從太宗討薛舉又從平王充實建德劉黑闥並有殊功賜官女三人
離綵萬餘段貞觀三年累遷右武衛大將軍檢校豐州都督封實國
公實封三百戶十二年卒贈輔國大將軍初曷薛那可汗之朝隋也為煬
帝所留其國人遂立薛那之叔父射匱為可汗始開上宇東至金山
西臨西海自玉門以西諸國比日從屬之遂與北突厥為敵乃建庭於
龜茲北三彌山尋卒弟統葉護可汗代立統葉護可汗勇而有謀善
攻戰遂北并鐵勒西拒波斯南接罽賓悉歸之控絃數十萬霸有西
域據舊烏孫之地又移庭於石國北千里其西域諸國王悉授頡利
發并遣吐屯一人監統之督其征賦西戎之盛未有也武德三年遣使
貢條支巨卵時北突厥作患高祖厚加撫結與之許力以圖北蕃統
葉護許以五年今大軍當發頡利可汗聞之大懼復許葉護通和無
相征伐統葉護尋遣使來請婚高祖謂侍臣曰西突厥去我懸遠急
疾不相得力今來請婚計將安在封德彝對曰當今之務莫若遠交
而近攻正可權許其婚以威北狄待三數年後中國全盛徐思其宜
高祖許之婚令高平王道立至其國統葉護大悅遇頡利可汗頻歲
入寇西蕃路梗由是未果為婚貞觀元年遣真珠統俟斤與道立來
獻萬釘寶鈿金帶馬五千疋時統葉護自負強盛無恩於國部落咸

怨葛羅祿種多叛之頡利可汗不欲中國與之和親數遣兵入寇又遣人謂統葉護曰汝若迎唐家公主要須經我國中而過統葉護患之未尅婚為其伯父所殺而自立是為莫賀咄俟屈利毗可汗今分統突厥種類為小可汗及此自稱大可汗國人不附弩矢畢部共推泥熟莫賀設為可汗泥熟不從時統葉護之子啞力特勒避莫賀咄之難云在康居泥熟遂迎而立之是為乙毗沙鉢羅肆葉護可汗連兵不息俱遣使來朝各請婚於我太宗不許諷令各保所部無相征伐其西域諸國及鐵勒先役屬於西突厥者悉叛之國內虛耗肆葉護既是舊主之子為衆心所歸其西面都陸可汗及莫賀咄可汗二部豪師多來附之又興兵以擊莫賀咄大敗莫賀咄遁於金山壽為咄陸可汗所害國人乃奉肆葉護為大可汗肆葉護可汗立大發兵北征鐵勒薛延陀逆擊之反為所敗肆葉護性情佞諂無統馭之略有乙利可汗者於肆葉護功最多由是授小可汗以罪族滅之群下震駭莫能目固肆葉護素憚泥熟而陰欲圖之泥熟亦通焉者其後設卑達官與突厥弩矢畢二部豪師潛謀擊之肆葉護以輕騎遁於康居尋卒國人迎泥熟於焉耆而立之是為咄陸可汗咄陸可汗者亦稱大度可汗父莫賀設本隸統葉護武德中常至京師時太宗居藩務加懷輯與之結盟為兄弟既被推為可汗遣使詣闕請降大使賜以名號及鼓表縣貞觀七年遣鴻臚少卿劉善因至其國冊授為西河婁拔奚利邲咄陸可汗明年泥熟率其弟同娥設立是為沙鉢羅啞利失可汗啞利失可汗啞徒結反以貞觀九年上表請婚獻馬五百匹朝廷唯厚加撫慰未許其婚俄而其國分為十部每部今一人統之號為十設每設賜以一匹則故稱十箭焉又分十箭為左右廂各置五箭其左廂號為五咄六部落置五大噉管一箭右廂號為五弩矢畢致五大俟斤管一箭其後或稱一箭為一部落大箭頭為大首領五咄六部落居碎葉以東五弩矢畢部落居於碎葉以西自是都號為十姓部落啞利失既不為衆所歸部衆攜貳為其統吐屯所襲麾下三散啞利失以左右百餘騎拒之戰數合統吐屯不利而去啞利失奔其弟步利設與保焉耆其阿悉吉闕俟斤與統吐屯等召國人將立欲谷設為大可汗以利失為小可汗統吐屯為人所殺欲谷設兵又為其俟斤所破啞利失復得故地

弩矢畢處月處密等並歸唃唃失十二年西部竟立欲谷設為乙毗咄
陸可汗乙毗咄陸可汗與唃唃失中分自伊列河以西屬咄陸以東屬
唃唃失咄陸可汗又建庭於烏鏃曷出西謂之北庭自厥越失拔悉彌
駝馬結骨火燐觸木昆諸國皆臣之十三年唃唃失為吐屯俟利發與
欲谷設通謀作難唃唃失窮威奔於鏃汗而死弩矢利部落酋師迎
唃唃失弟伽那之子薄布特勤而立之是為乙毗略沙鉢羅葉護可汗
乙毗可汗既立建庭於雖合水北謂之南庭東以伊列河為界自龜茲
鄯善且末吐火羅焉耆石國史國何國穆國康國皆受其節度累遣
使朝貢太宗降璽書慰勉貞觀十五年今左領軍將軍張太師冊授
焉賜以鼓壽縣于時咄陸可汗與葉護頻相攻擊會咄陸遣使詣闕太
宗諭以敦睦之道咄陸兵衆漸強西域諸國復來歸附未幾咄陸遣
石國咄屯攻葉護擒之送於咄陸尋為所殺咄陸可汗既并其國弩
矢畢諸姓不服咄陸皆報之咄陸復率兵擊吐火羅破之遣兵寇伊
州安西都護郭恪率驍騎二千自烏骨邊擊敗之咄陸又遣處月處
密等圍天山縣郭恪又擊走之於乘勝進據處月處斤所居之城追
奔及於遏索山斬首餘級降其處密之衆而歸咄陸初以泥熟噉
自擅取所斬之以徇事為泥熟噉部將胡錄屋所襲衆多三逸其國
大亂貞觀十五年部一屈利啜等謀欲廢咄陸各遣使詣闕請立可
汗太宗遣使齎璽書立莫賀咄乙毗可汗之子是為乙毗射匱可汗
乙毗立乃發弩矢畢兵就白水擊咄陸大敗之咄陸自知不為衆所附
乃西走吐火羅國中國使人先為咄陸所拘者射匱悉以禮資送歸
長安復遣使貢方物請賜婚太宗許之令其龜茲于闐疎勒殊俱波
葱嶺等五國以充聘禮及太宗崩賀魯及叛射匱部落為其所併阿
史那賀魯者曳步利設射匱特勒之子也阿史那步真既來歸國咄
陸可汗乃立賀魯為葉護以繼步真居於多邏斯川在西州直北千
五百里統處月處密姑蘇葛邏祿卑失五姓之衆其後咄陸西走吐
火羅國射匱可汗遣兵迫逐賀魯不常厥居貞觀二十三年乃率其
部落內屬詔居庭州尋授左驍衛將軍瑤池都督永徽二年與其子
唃運率衆西遁據咄陸可汗之地摠有西域諸部建牙于雙河及千泉
自號沙鉢羅可汗統攝咄陸弩矢畢十姓其咄陸有五噉弩矢畢有

五俟斤各有所部勝兵數十萬並羈屬賀魯

其咄陸有五愛一曰胡月木昆律

之三曰攝合提嫩發四曰突騎賀羅陸發五曰屈尼施處半斃弩矢畢有五俟斤一曰阿悉結

爾俟斤家為強盛二曰哥舒關俟斤三曰拔塞幹嫩沙鋒俟斤四曰阿悉結泥熱俟斤五日哥

舒處半西域諸國亦多附隸焉賀魯尋立咄運為賀咄葉護數侵擾西

蕃諸部又進寇庭州三年詔遣左武侯大將軍梁建方右驍衛大將軍

契苾何力率燕然都護所部迴紇兵五萬騎討之前後斬首九千級

虜渠帥六十餘人四年咄陸可汗死其子真珠葉護與五弩矢畢請擊

賀魯破其牙帳所首千餘級明慶二年遣左屯衛將軍蘇定方燕然都

護任推相副都護蕭嗣業左驍衛大將軍瀚海都督迴紇婆閏等

率師討肇仍使右武衛大將軍阿史那彌射左屯衛大將軍阿史那

步真持節為安撫大使定方至曳咥河西賀魯率胡祿屋闕斃等二

萬餘騎列陣而待定方率嗣業摠管任雅相與之交戰賊眾大敗斬

其大首領護都塔吐答連官等二百餘人賀魯及闕斃輕騎奔竄渡

伊麗河兵馬溺死者甚眾嗣業至千泉賀魯夏牙之處彌射進軍伊

麗水處密處月部落率眾來降彌射進次雙河賀魯首先使步失達官

鳩集散卒據柵拒戰彌射步真攻之大潰又與蘇定方攻賀魯於葉

水大破之賀魯與咄運欲投鼠搆設至石國之蘇咄城傍人馬饑乏

城主伊沮達官詐將酒食出迎賀魯信其言入城返被拘執蕭嗣業

既至石國鼠搆設乃以賀魯之屬俘至京師令獻于昭陵及太社高

宗特免死分其種落置崑陵濛池二都護府其所役屬諸胡國昔分

置州府西盡干波斯並隸安西都護府四年賀魯卒詔葬于頡利墓

側刻石以紀其事阿史那彌射者室點蜜可汗五代孫也初室點蜜

本蕃系其弟加兵之葉護具於兄弟步也三年率所部處月

處密入朝授右監門大將軍其後步真遂自立為咄陸葉護其部落

多不伏委之遁去步真復攜家屬入朝授左屯衛大將軍彌射從太宗

征高麗有功封平襄縣伯明慶二年轉左武衛大將軍及計賀魯乃

冊立彌射為興昔云可汗兼左衛大將軍崑陵都護分押賀魯下五

咄陸部落步真授繼往絕可汗兼右衛大將軍濛池都護仍分押五

弩矢畢部落因今與盧永慶等准其部落大小職位高下節級授刺

史以下官龍朔中又令彌射步真俱率所部從颶于畢海道大摠管



圖書在版編目(CIP)數據

通典/[唐]杜佑撰. —北京:北京圖書館出版社,2006.8
(中華再造善本)

ISBN 7-5013-3089-1

I. 通… II. 杜… III. 典章制度—中國—唐代
IV. D691.5

中國版本圖書館CIP數據核字(2006)第048312號

ISBN 7-5013-3089-1



9 787501 330898 >

書名 通典
著者 [唐]杜佑 撰

出版 北京圖書館出版社(100034北京市西城區文津街七號)
發行 Tel:(010)66151313 Fax:(010)66174391

E-mail:Blstxb@nlc.gov.cn

Website:www.nlcpress.com

造紙 華寶齋

印刷 杭州富陽古籍印刷廠

開本 八

印張 九·二五

版次 二〇〇六年八月第一版第一次印刷

印數 一—二〇〇〇

書號 ISBN 7-5013-3089-1 / K·1366
定價 三〇〇圓

